

# Цусса, 2016-мур шинащал!



Ассаламу аьлайкум, дустал!

# ХХЯХХА БАРГЪ

Лакрал райондалул жамягийсса ва сиясийсса кказит

«ЗАРЯ»

Нюжмар  
1 январь  
2016 ш.

№ 1

gazetazary@mail.ru



## Хурмат лавайсса райондалул жамят!

ДацIаву дакъар оьрмуллу шиннан. Вана, ялун диллай 21-мур аьсерулул 16-мур шингу.

2016 шинал бухкIулли, оьрмулул цIу-цIусса хияллаву ва умудирттай, ххуймунин хьул бивхьуну зун, ххирасса жамят, «Лакрал район» МР-данул администрациялул, райондалул депутаттурал Собраниялул ва ттула чулуха чIа тIий яла бюхттулми тIитIаларду ва ххаришивуртту, талихIрал ва буллугъшиврул къапуру хьхьичI тIитIаву, захIмат хьанахьисса оьрмулул дуламантгавух байча къавшуну букваву.

ЗахIматшивурттая ххув хьунсса къудратту, кашигу, ссавургу дулуннав жухьхьунна циняннахьхьун.

Жува аслийсса, шала дуньяллийх цIадурксса миллатрал улча ябуллалмиру жула бутгахьал, бутгал-бутгахьал ссехI бигьлай, уздан булла, цIакь булла бивкIсса оьрмулул кюру хьиннува тIюнгьану, бюхттулну, гьелину ябан буржлувссару.

Райондалул администрациялул хIарачатрашал зугу дакI-нихтуну чIарав бацIуну цин лархьхьусса давуртту дан, район хьхьичI къюкълувун дуккан дан бювхьунни махьсса шиннар-дий. Мунхьлуну зуйн хIурматрайсса барчаллагъ тIий ура.

Амма гихуннай дансса давуртту хьиннура хьунисса дур, миннуха чялишну зугу-зунтIиссара.

Духханав 2016-мур шин жула къатравун хьинбалдара-шал, талихIрашал ва ларайсса ккаккиертташал.

ЦIуллуну чурхру, марцIну пикрирду, чаннану симанну, давурттайсса хьхьичIунайшивурттая ххарину бачиннав гихунмайсса жула оьрму.

Ю.ХI.МахIамадов,  
«Лакрал район» МР-данул администрациялул бакIчи.

### Семинар

## Агьамшиву ларайсса масьалартту ххалбигьлай

Муний гьуртту хьун бувкI-ун бия, зунттал районнал округрайсса Республикалул БакIчи-нал вакилтурал хьунама Зайнулаьбидов МахIаммадхIа-жи Баширханович, РД-лул 9-мур номерданийсса (Лавашавсса) налогирттал инспекциялул начальник Жамалуттин Аьлиев, Лавашиял райондалул администрациялул бакIчи-нал заместитель Мухтар АьбдурахIманов, Ахьушиял райондалул прокурор Мирзакьади Мирзакьадиев, РД-лул Роспотребнадзорданул Управлениелул Лавашавсса районнал цацIусса отделданул начальник МахIаммадкадил МахIаммадаьлиев, кIицIларгсса районнал аьрщарал Кадастр давриха зузима. Му-

Декабрьданул 15-ний райадминистрациялул актовий залдану хьунни зунттал районнал чулухасса вакилтурацалсса семинар-совещание.




кунма трибуналия гьуртту хьунни жула Абакар Кьюнуев, Светозар Оьмаров, Марат МахIмудов. Залдану шуьбикIун бия шьраваллал администрациярдал бакIчитал, цаппара идарарттай, организациярдай каялушиву дуллалими, жавабулусса зузалт.

Семинар-совещание хас дунни налогру ва налогру дакъасса дишаларду датIаврил масьаларттан, микку хьуна дакълакьисса цалин къабучIавурттая, цацIа-цацIара цукунсса тагьар дуссарив аьч дурну, ми иширттаха зузисса специалистурал бувчIин бавуртта вичIи дишаврин, миннуха зузини ялун личлачисса захIматшивурттая мурахас хьунсса хIакь-хIисавртту дурчIин даврин ва м.ц.

Мияжаннугу налогру дучIан давриву, аьрши сияхIраин ласавриву, миннул заллушиву чIала-чIи дуллалисса документру хIа- (Ахир 2 лаж.)

## Барча уллай буру



Вай гьантрай 60 шин шаврил юбилей кӀицӀ ларгуни жул дугъресса дувнал Гуйъятусса **Исмян-лов МахӀаммад Алиммамадович** дул.

Щурагъсса финансирттал техникум 1975 шинал кьутал байхту МахӀаммад зий ия МахӀачкьалалив Госстрахрай ревизорну. Яла зун ивкӀуна Карашрал колхозрал хьунма бухгалтерну. 2003 шиная шихунай хӀакъинусса кьинину зий ур Карашрал шяравалив бухгалтерну.

Чув зурчагу ва ур итхьявхсса специалист, халкъунашчал хӀал бавкъусса, инсаншиву дуса дувс, гьалмахчу, чӀарав ацӀу.

Юбилейрашчал ва ЦӀусса шинашчал барча уллай чӀатӀий буру МахӀаммадлун цӀакъсса цӀуллушиву, давриву ларайсса каккиартту, ужагъраву талихӀ ва тӀайлабацӀу, ххарисса, лахъисса оьрму.

Дувстал, гьалмахтал.

Дагъусттан Республикалул Прокуратура

## НВФраву гьуртту хъанай бивкӀми уголовный жаваблүвшиндарая мурахас баврия

ЗакондалуцӀун кьадаркъусса ярагъуннишалсса сакиншинна даврихлу ягу муниву гьуртту шаврихлу уголовный жаваблүвшин ккаккан давришал (УК РФ ст.208) законну кьамул дайминнал мукунна ккаккан дурну дур му жаваблүвшиндарая мурахас байсса шартӀру.

РФ-лул Уголовный Кодексрал 208-мур статья бувчӀин буллалисса мукьурттин буну, закондалуцӀун кьадаркъусса ярагъуннишалсса сакиншинна-луву гьуртту хъанаву хушрай кьадиртесса ва ярагъ буллусса инсан уголовный жаваблүвшиндарая мурахас айсса ур, агар мунал дурмуниву цамур преступлениелин дагъайсса цичӀар дакъахьурча.

Аьрасатнал Федерациялул Верховный судрал Пленумрал 2012 шинал февральдаул 9-ний бувсса №1 хӀукмулул 30-мур пунктран буну («О некоторых вопросах судебной практики по уголовным делам о преступлениях террористической направленности») закондалуцӀун кьадаркъусса ярагъуннишалсса сакиншинна-луву гьуртту хъанаву хушрай кьадитавуну ккалли дайссар ми сакиншинна-луву гьуртту хъанаву цала биялалий инсаннал кьадитарча, гьуртту хъанайману икӀан мьяжаннугу бюхълай бунува.

Ярагъ буллусса инсанталну

ккалли байссар закондалуцӀун кьадаркъусса ярагъуннишалсса сакиншинна-луву гьуртту хъанай бивкӀми, агар миннал властрал органнахъхун буллуна бухьурча цачӀава бивкӀсса ярагъ ягу ккаккан буну бухьурча ми ярагъ ябуллалисса кӀанттурду.

ЗакондалуцӀун кьадаркъусса ярагъуннишалсса сакиншинна-луву гьуртту хъанаву, цайва ялүв бивхъусса буржирдан кьааьркинну буну, ярагъ бакъасса ухьурча, му бюхъайсар уголовный жаваблүвшиндарая мурахас ан, агар мунал закондалуцӀун кьадаркъусса ярагъуннишалсса сакиншинна-луву гьуртту хъанаву хушрай кьадитарча ва муния властрал органнан баян буну бухьурча.

ХӀасил, закондалуцӀун кьадаркъусса ярагъуннишалсса сакиншинна-луву гьуртту хъанай ивкӀсса инсаннал му гьуртту-шинна хушрай кьадиртун духьурча, ялүв кӀицӀларгсса шартӀру дурурччуну, му инсан уголовный жаваблүвшиндарая мурахас айссар.

## Агъамшиву ларайсса масъалартту ххалбигълай

(Дайдихьу 1 лаж.)

дур буллалени, чӀявусса букъав-чӀайсса, цалин кьабукӀлакӀисса масъалартту хъунабакълай бур.

Миннуя, ва бан аьркинмуния гьартану бувсунни ихтилатчитурал.

Цалчин ихтилат бувсса **Абакар Кьюннуев**лул кӀицӀ бунни

лацӀун цӀакъ увну уссар райадминистрациялул жаваблүвсса зузала, налогругу датӀлан, аьршарал масъалартту биттур баврил ва цайми иширттал ялүв бацӀан.

Аьршарал актуализация давриву бур цалин кьабукӀлакӀисса, щаллуну хьирив лаян

ник Аьлиев Жамалуттинлул дурчӀин дунни ци даражалив дуссарив вай районнай налогругу датӀаврил тагъар, жавабругу дуллунни гъаз бувсса масъаларттан, бувчӀин буну ччисса тамансса суаллан.

Лавациял райондайив налогругу датӀаврил тагъар цукун дуссарив, ци байчарду щилай буссарив бусласисса, хьирив лавсса бия Лавациял администрациялул бакӀчинал хьиривчу Мухтар АьбрахӀмановлул ихтилат.



жула райондайив вай масъалартту цукун биттур хъанай буссарив. Бувсунни анжагъ зузая ласайсса подоходный налог личӀаннин вайми циняр налогирттал 2015 шинал планну ххишала ххишалану биттур хьушиву. ХӀукуматрал чулухасса дотация бюхъавай чан дурну, жучӀара дучӀаймур гъаза даврих бушиву райадминистрациялул чялиш буккаву. Мукун махъсса кӀира шинал мутталий райондайивра датӀайсса налогирттал лагру шамлийну ххишала хьушиву.

-Налогругу датӀавриву хъунмасса кумаг бур прокуратуралул чулуха, мий мюнпатну зий бур налогругу дулуттрашал.

Райондалул гьарца шяравал-

кьабюхълахъисса кӀанттурду. Масала, «зеленкарду» лавъсса аьрши гъаза хъанай дунура, кьавламиннул лагругу, сияхӀгу чӀири хъунсса кӀанттай, ялунгу-ма хъунна хьушиврий чӀалачӀи дуллай бур компьютердаву. Му бакъассагу, налогругу дуллуминнал цӀарду цунилгу дагълай дур извешениерттай кьадуллуминнавун. Налогирттал инспекциялул ласса, росреестрануцӀасса ва жучӀасса тарихру цалин кьабувкӀисса бур, аьркинну дур цасса программа. Налогругу нагъдину дишавриву терминалу бакъа хъуннасса захӀмат хъанай бур, -увкунни Абакардул.

Хьирив ихтилат бувсса налогирттал инспекциялул началь-

НалогирттацӀун, аьршарал масъаларттацӀун бавхӀуну цала кьуллулгьрал дуллалимуниясса бия МВД-лул «Лакский» отделданул начальникнал ихтилат.

Ихтилатругу бувминнавух ялагу хъунни Ахъушиял райондалул прокурор, Роспотребнадзорданул Лавашавсса отделданул начальник.

Гихунмай вай иширттаву ссайн ишан ласунтӀиссарив, кумагрансса давуртту цукунсса дурну кьулайну чӀалай буссарив кӀицӀ бунни МахӀаммадхӀажи Зайнулабидовлулгу.

ЧӀалай бия укун хӀадур бувсса семинар-совещаниялий вичӀидихьултран кьабувчӀалачӀимур балжи бансса каша хьушиву.

Отчет

## Агъалий кумагчиталну хьурча, низам дуруччин шай

Декабрьданул 17-ний райадминистрациялул актовий залдану най дия Гьумук участковыйну зузисса полициянал капитан **Ильяс МахӀаммадов**лул Гьумучиял жамьатрал хьхьичӀ ларгсса шинал дурсса даврил отчет дулаврин хас дурсса батӀаву.

Трибуналий шьябикӀун бия **Абакар Кьюннуев**, «Лакрал район» МР-данул администрациялул бакӀчинал зам., **Марат МахӀимудов**, МВД-лул «Лакский» отделданул начальник, **Арамис Бегов**, Республикалул МВД-лул чулухасса вакил, полициянал полковник, **Апани Маькъаев** Гьумучиял шяраваллил администрациялул бакӀчи.

Дурсса даврия бусласисса ихтилатругу И.МахӀаммадовлул кӀицӀ бунни укунсса кӀанттурдугу:

-Ларгсса шинал райондайив бувссар РОВД-лул чӀявусса зузалт, дружиниктал хӀала бавкъусса цачӀусса операциярду. Хъунмасса кумаг полициянал отделданун бай райадминистра-

циялул. ЧӀарав бацӀаву профилактикалул давриву мудангу шай кӀанттул цила каюлушиву дай органная. Диялсса преступлениертту цила чӀумал аьч дан бювхъуни агъалинал кумаграйну.

Мунишала хӀисавравун ласун бур преступность хьарну душиву социальныйсса, экономикалул ва цайми хӀучардая.

Халкъуннал ахӀвал ялавай багъаву, даву дакъами чӀяву хъанаву, оьрчӀашал, жагьилтурашал дуллалисса тарбиялул даву хӀура дуккаву, хӀан хӀачӀулт, алкогольиктал, наркомантал гьарзану бушиву, телефизордаву кьия буллалисса ккаккан бавуртту чӀярусса душиву -вай цимурцанул оьбаласса шавши

биян буллай бур низам дуруччаврин. Мунияту криминалданул тагъаргу захӀматну личӀлай дур.

Ци бухьурчагу 2015 шинаву райондайив ларгсса шиналнийяр преступлениертту чан хъунни 24,5%-рал. Миннува захӀматсса преступлениертту чан хъунни 44,4%-рал. СияхӀраин ларъссса 5 преступлениелува 4 аьчӀ дурссар (80%). Ларгсса шинал 9-нива 2 аьч дурссия.

Аьмсса уголовныйсса преступлениертту ларгсса шинал сияхӀрай дуссия 31, гьашину дур 14, ларгсса шинал аьч дурссия 7, гьашину аьч дурссар 12 (85,7%), республикалинийяр лахъну. Ларгсса шиналнийяр гьашину чӀяру хъунни экономикалулу хъусса реступлениертту 17%-рал. Яни 2014ш. -10, 2015-12. Миннава цинярда аьч дурссар.

(Ахир 3 лаж.)

(Дайдиху 2 лаж.)

Дянивсса гужшиврул преступлениертту гъашину сиях1-рай дия 13, дук1у -25, ч1ирисса гужшиврул -8, дук1у -7.

Ялун личин дурссар 441 административныйсса ххутава личавуртту, дук1у -503. Миннува дахху ласулуву 79/71, ОГИБДД-лул -252/321, лицензиярттал ихтирдаву 32/52, полициянал зузалтрайн мют1и къавхуну -2/4, ч1ирисса къавкшинивуртту дурну 2/11, бувчурду хуну 21/12, цайми жураул -37/10.

**Гъумук**

Нава къуллугъ буллалисса участокрай 2015 шинаву хуинни 3 преступление.

Анализ дурну ч1алан бивк1унни цивппа залусса хъус дарцумину ч1явуну хъанай бушиву, къатригу мюхчан къабуну, шагъурдайн лаглагими. Маслихат буллау ур мукуминнан нузкунтту, ч1авахултту аьнт баву, чирахъру лавхун къабитаву, ч1ахху-ч1арахнал бургаву дансса тагъар даву, багълул ххирасса затру маччалхьиндаран, вихшалачитурайн тапшур даву ва .м.ц. Яла хъинни къатраву сигнализация динисса даву дарча.

Цац1арасса теле-видео аппаратуралул, ич1аллил техникалул, багълул ххирасса чагъардал ва цайми затурттил номерду чивчуну ми итадаркысса заводирттал документирттачал къюлт1исса к1анттай бишин аьркинссар. Ярагъ бухъурча цайминнахъун бириян къабюхансса даражалый ц1акъ бан аьркинссар.

Агар къатлувун цу унугу увххун ур т1исса шакъ багълай бухъурча, цалчин баян бан аьркинссар «Лакский» отделданул дежурный частьрайн телефондалул вай номердай овькуну: 98-

## Агъалий кумагчиталну хъурча, низам дуруччин шай

44-95; 2-42-61.

К1илчин, къатлуву дусса тагъар дахана къадан  
Гъумуксса ца зах1матшиву-

гу бакъар ч1явуминнал. Миннул залу увагу акъасса хханссар.

Ххуттава личавуртту хъанансса ца сававну дур х1ан х1ач1ла-

1ри дишавриясса хъинбалагу варичинсса бакъар.

Преступлениертту давриву яла буруккин багъаймур бут1а



ну дац1лай дур инсантурал ятту-гъаттара цахунма цивппа бивчуну, х1ухчу акъа къабитлатаву. Ми канай бур ц1инц1 дичай к1антурдал ххилич1урду, гъагълай канай бур зах1мат бувну бувгъусса, дахъва хъанакъисса мурхъру. Хъхъунил ч1умал цала ризкьи чув буссарив ххал буллаива-

ч1аву. Х1ан х1арч1ун дурсса престулениертту лахъ хъунни 100%рал, гъарца дурмурнил к1илчинмур.

Х1ан х1ач1улт хъинбаврил давуртту дан ц1ана зах1матну бур, ми хъин байсса, зузи байсса идарартту лакъаврин бувну. Цашаласса буч1ин бавурттаясса, аьч-

балугъравун къабивминнал дуллалимуниву бур. Ми ч1яруну цаярва хъуними сававну хъанай дур. Хаснува 14 шин хъуннинминнава личлай дур ч1яруми къавкшиншивуртту.

Хъхъурай дурсса къавкшиншивурттан кабакъай кучардайсса тгаллай чирахъру бакъашив-

рулгу. Мунияту халкъуннан хъхъувай бачаван аьркинссар бюхъавай лампочкарду лархъсса, чани бусса, халкъ бусса к1анттайх, ч1арах буккаван къат1ри, лахъсса ххяххиярттал.

Жамятейсса низам къадуручаву сававрай ларгсса шинал нава чичав 33 административный протокол. Миннува 22 дахху-ласулуц1ун бавх1уну.

Хъуннасса нигъач1аву дур пожарду шаврия. Нажагъсса к1анттай дакъар пожар хъурча лещан дансса къай-къуй, къун, щин ва м.ц.

Х1асил, ттун зун багълай бурцияннашал цац1уну, кувнал -кувнан кумаг банну цац1усса ххалбигъавуртту дуллау халкъунайн чул бившуну, -увкунни И.Мах1амадовлул.

Тамансса суаллу буллунни докладчинахъун. Масала, А.Беговлул ц1уххунни ина отчет дуллалисса к1анттай райодалул актив бунугу, Гъумучиял шярваллил жамят бакъашиврия.

Жагъилтурашал дуллалисса даврия ихтилатраву к1иц1 къалагавия ва м.ц.

Абакар Къюннуев шикаятрай ия Гъумуксса агъалинал ризкьи канаки бавриву низам дакъашиврия, хъхъувай къат1ух бившусса оьрч1ашалсса даву гужлан дан багълагишиврий ва м.ц.

Ихтилатру бувсса Малик Х1усмановлун, Мах1амад Гадаевлун, Аьлишаеван хъинчулий ккавккунни Ильяс Мах1амадовлул къуллугърал буржру бурруччаврил даража, миннал даврин лайкъсса кымат бишавугу тавакью бунни. Мукун, Гъумуксса полициянал участковыйнал даву ризи хуну душиврийсса (удовлетворительно) х1укму бувна бавт1цириннал.

Хъунабакъаву

## Цадурксса спортсментал - Лаккуй

Ларгсса нюзмардий райодалийсса дуклаки оьрч1ру ва спорт ххирами хъунабавкунни дагъусттаннал ц1адурксса спортсментурашал. Уттинин агъалинашал анжагъ Мах1ачкъа-лавил хъунабакълай бивк1исса машгъурсса спортсментурал къаст дурну дия к1антту-к1анттурдайн занай, республикалул районнайн буклан. Вайннал цалчинсса аьрххи язибувгъун бия Лакрал райодалийн, Гъумукун.

сар. Цалчинсса аьрххи шиккун бах1аврилгу спортсментал цивппа лавай буллалиссар.

Гъумукун бувк1ун бия: Аьвдулкарим Айгунов СКФО-рал бияйсса искусствордал федерациялул председатель, панк-



Ва ишираву спортсментурал пикиргу, къастгу т1айласса хъуну дур. Цанчирча, Гъумучиял

авадансса таварих бусса, ц1адурксса шярвалу Дагъусттаннай цамур лякьин къабюхъант1ис-

раиодалул дуниялул чемпион, «Selection of Warriors» промютершиврул компаниялул ге-



неральный продюсер; **Ширвани Мурадov** -лач1ун уккавил Олимпиадалул чемпион; **Амирхан Амирханов** - кикбоксинграл Дуниялул чемпионатрал арцул приз ларсма, РД-лул Правовой Академиялул декан; **Ислам Мах1ачев** -цивппалул бияйсса журадал талатала (бои без правил, смешанные единоборства); **Сулайман Абакаров** -тренер, кремплинграл дуниялул чемпион; **Эмиль Татаев** -футболист, кросс -фитрахун агъма, шярваллил хозяйстволул Министерстволул управлениелул начальник.

Вайннашал бувк1ун бия райодалул имам **Шайхмурал** ва МВД-лул Лакрал ва Куллал районнал отделданул хъунма **Марат Мах1мудов**.



Хъунабавкъавриву гуртту хъунни райодалул бак1чинал заместитель **Абакар Къюннуев** ва **А.Къажлаев**, оьрч1ал спортшколалул директор **Ш.Ханов** ва тренертал, цаппара физкультуралул учителтал, къуллугъчитал.

Райодалийсса агъалинал чулуха спортсментал ххарину хъунабакълакысса ихтилат бувни **А.Къюннуевлул** ва ч1аукунни миннан жула аьршарай т1айлабац1у ва гихуннайгу хъхъич1уннайшивуртту. Хъунабакъаву гихуннай дачин дан махъ буллунни хъамаллуврашал увк1исса журналист **М.Бигаевлухъхъун**. Ванал кут1ану бувсуни райодалийн бувк1исса спортсменту-рая.

Цалчин махъ буллусса (Ахир 4 лаж.)

Учредитель:  
Администрация  
МО «Лакский  
район».  
Учредитель:  
«Лакрал район»  
МОлул  
администрация

Главный редактор  
М. М. Мусалаев  
Ответственный  
секретарь  
К. М. Курбанов  
Корреспондент  
Кь-И. Амиров

Опер. комп. набора  
Р. И. Джалаева  
Тех. редактор  
А. М-Р. Абакаров

Адрес редакции:  
368360  
Республика  
Дагестан  
Лакский район  
с. Кумух.  
Телефон: 3-44-56

Газета набрана и  
сверстана на компью-  
терной базе редакции га-  
зеты «Заря» и отпеча-  
тана в ГАУРД «Издатель-  
ский дом» «Дагестан»  
Адрес:  
г. Махачкала  
Пр.Насрутдинова, 61.

Срок подписания  
в печать 17.00  
Подписано в 16.00

Газета выходит  
в неделю 1 раз.  
Индекс: 51359.  
Тираж 850 экз.  
Цена: 2 руб.

Газета зарегистриро-  
вана Региональным уп-  
равлением регистрации и  
контроля за соблюдением  
законодательства РФ о  
СМИ и печати в РД Гос-  
комитета РФ по печати.  
Регистрационный ПИ  
№ 104561.

Позиция редакции  
может не совпадать с  
точкой зрения авторов,  
которые несут ответ-  
ственность за достовер-  
ность и объективность  
представленных для  
публикации материалов.

# Цадурксса спортсментал - Лаккуй

(Дайдиху 3 лаж.)



**Ш. Мурадовлул**, ссаламгу булу-  
ну, бувсунни, цува пахрулий  
ушиву лакрал аьршарайн уч-  
аврия цала дустурашал, минна-  
ятугу цашара эбрат ласун бюх-  
айшиву. Чаукунни райондалий-  
сса жагьилтурал спортраву,  
дуккавриву тIайлабацIу, хьхьичI  
уннайшивуртту, цала билаят,  
республика бюхттул дансса  
бюху.

**Амирхан Амирхановлул**  
бувсунни цивппа Гьумукун бу-  
чIан пикри цукун хьуссарив.  
Праволул Академиялуву спорт-  
сментал студенттурашал хьуна-  
бакьякьисса кIанай гьаз хьуну  
бур суал -циванну жува мудан



МахIачкьалалив дуллалисса хьу-  
набакьавуртту, цайми кIанттур-  
дай, зунгтаву кьадуллай? Микку  
кьаст лархIун дур зунгтавусса  
районнайн занан. Байбивхьун  
бур Лакрал райондалия.

Ванал кIицIларгунни рай-  
ондалий спорт лядуккан дан  
хьунадакьякьисса захIматши-  
вуртту душиву: арцу чаншиву,  
спортзаллу, ххуйсса тренертал  
бакьашиву. Махъ буллунни  
бюхьайсса кумаг буллан. Амма  
жагьилталгу бюхьайсса хIарачат  
буллай, спортрахун багьну гьар-  
ца кьини 3-4 сьят дуллай бикIан  
аьркиншиву бувсунни. «ОьвтI-



ий ура зуйн, маэшатрал кIюлас-  
са кулпатирттавацца оьрчIайн,  
так зула захIматрайну спортра-  
ву ххувшавуртту ласайминнайн,  
хIарачат буллан. Жугу бюхьай-  
мур банну, Лакрал ва Ккуллал  
жагьилтал спортраву хьхьичIун



личин бан. Хьунмасса хьул бив-  
хьун буру райондалий каялуши-  
ву дуллалиминнал кумаграйн-  
гу», -увкунни ванал.

Карашатусса **Аьвдулкарим  
Айгуновлул** аьй дурни лакрай,  
жува дарги, ярусса кунма, кув-  
нал кув бувгьусса, цачIун хьус-  
са бакьанутIий. «Тренировкар-  
дайн заназияра, ххуйну дуклаки-  
яра, спортраву хьунисса хьхьичI  
уннайшивуртту дуллан бюхъ-  
аншивурл, - увкунни ванал. -Зун  
«маслихIатчиталну» буккайс-  
сар цала цичIав ккаккан кьа-  
дурми. Амма, спортраву хьхьичI  
ун ливчусса инсан уккарча



маслихIат буллай, мунах вичI-  
идишин аьркинссар».

Буршиятусса ппу, Ххюлус-  
матусса нину дусса **Ислам Ма-  
хIачевлул** бувсунни, цIана  
спортраву жагьилминнан кумаг  
буллай бушиву, хIарачат буллан  
аьркиншиву. Бувсунни цува  
спортраву хьхьичIун ливчусса  
куц, оьрчIний гьарца гьинттул  
Ххюлусмав укIлай ивкIсса, цал  
тхэквондолий, яла лачIун уклай,  
хьйривгу бияйсса самболухун  
агьну ивкIсса куц.

Ванал II талатаву дурну дур  
Аьрасатнаву, утти тIурча, махъ-  
сса 2 шинал, ва талай ур UFS си-  
стемалуву.

**Эмил Татаев** ур Хьусраша-  
тусса. Ванал бувсунни цIадурк-  
сса спортсментурашал, цайми  
инсантурашалсса цала дусши-  
вурттая, цивппа Лаккуй оьрчIа-  
шал хьунабакьин ччай бивкI-  
шиврия, школалий дуклайни  
дуккавриву, спортраву хьхьичI-  
ун личин ччай бивкIшиврия.  
«Зува цукунсса бурув, жамьтту,  
лагма-ялттумигу мукунмасса  
бикIантIиссар», - увкунни ванал.

**Сулайман Абакаровгу** лак-  
кучув ур (ппу Ххюлусматусса).  
6 шин хьуннин дуклай ивкIун ур  
МахIачкьалалив, яла ЦIусса-  
лаккуй, дзюдорайнгу занай.  
Тиха цIунилгу МахIачкьалалив  
лавгун, талатавил самболийн  
занай ивкIун ур. Амма, шагъ-  
рулий гьира багансса затру  
чIярусса дуну, тренировкарду  
кьадитлай ивкIун ур. Мунияту

ва маслихIат буллай ур спорт-  
рахун багьан шиккува, шьравал-  
лил кIанай. «Ттучандалия ма-  
шан ларьсса шин хIачIлайни-  
яр, кьуллалия дуриусса шин  
хIачIлай хьинни», -тIий ур ва.  
Гьира багьанмур шьраву чанс-  
са дунугу, ванал пикрилий, яла  
агьаммур -бакIравусса пикри  
бур.

РОВД-лул начальник М.Ма-  
хIмудовлул барчаллагъ кунни  
жула райондалул цIа бюхттул  
дуллалисса спортсментурахъ,  
бувсунни, Ш.Мурадов Олимпи-  
адалул чемпион хьусса чIумал  
цува мунал ниттил ниттичIа ив-



кIшиву му лачIун уклакисса  
куц ккаклай. Мукунма бувсу-  
ни, Амирхан ва Эмильгу орган-  
наву цашала зий бивкIшиву.  
«Зун тIайлабацIу, цIуллушиву  
дулуннав, зуьта эбрат ласлан-  
нав Лаккуйсса жагьилтурал», -  
увкунни ванал.

Залдануван хьунабакьин  
бувкIсса оьрчIал, миннал тре-  
нертурал цIадурксса спорт-  
сментурахьхьун буллунни суал-  
лу, миннухьхьун жавабру дул-  
лунни И.МахIачевлул, Ш.Мура-  
довлул. Ванал маслихIат бувн-  
ни оьрчIан хьинну захIмат бул-  
лан тренировкардай. «Пагьму  
бушиву кьагьассар, захIмат  
буллан аьркинссар», -тIий ур ва  
дюь дихьлай. «ХьхьичIуннай-  
шивуртту пагьмллул хьун кьадай-  
ссарча, захIматрал хьун дайс-  
сарча, укунсар Мейвейзердул», -  
ххи бунни М.МахIмудовлулгу.  
Ванал бувсунни цукун захIмат  
буллалей уллай ивкIсарив Шир-  
вани цала ниттил ва га цурда  
цукун захIмат булай диркIсса-  
рив, арсная чемпион хьун ан.  
Мукунма кIицIлавгунни, Дагъ-

устаннал хьунма Р.АьвдуллатI-  
иповлунгу цуксса кумаг бувсса-  
рив му даражалийн иян захIмат  
ххирасса ганал кулпатрал ва хьат-  
ру риршунни мукун захIмат бай-  
сса хьаннил, ниттихьал хIурмат-  
ран.

ОьрчIашал хьунабакьин  
бувкIсса цIадурксса спортсме-  
турал кIицIлавгунни, лакраву  
спортсментал, хаснува лачIун-  
буккулт чанну бушиву. «ЦIана  
оьрчIру баххана хьуну бур, -тIий  
бия вай. -Циняв телефоннаву,  
компьютердавул бувххун бур,  
тренировкарду кьадитлай бур.  
Кулпатраву дикIан аьркинссар  
оьрчI хьхьичIун личин ансса  
кьаст. Му кьасттирайн биян оьр-  
чIан шайсса кумаг буллан аьр-  
кинссар нитти-буттал, оьрчIал  
ялув бацIан аьркинссар. Бух хьа-  
нахьавурттугу дурхIуну, захIмат  
буллай, цала кьаст бакIуйн дук-  
кан дан аьркинссар. Му чIумал-  
ли оьрчIал хьхьичIуннайшивур-  
тту хьанантIисса».

Ихтилат бувни райондалул  
имам **Шайхмурадлулгу**. Бувсу-  
ни циняв мусулмантал уссурвал,  
ссурвал кунма, бавкьуну бикI-  
ан аьркиншиву. Спортсментурал  
тасттикь бувни, цивппагу циняв  
чак байсса бушиву. Имамнал  
чIурчIав дурни, исламраву  
цукунчIавсса террор дакьаши-  
ву, так ччаву душор. Циняв  
спортсменталгу хIан кьахIачIай-  
сса, пIапIрус кьаучайсса буши-  
ву, мунияту хьхьичIун личайши-  
ву. «Ми ххувшавуртту ласлай  
дьявирдай бакьассарча, бавкьуну  
лачIун буклайри бусса», -  
укунни ванал. Циняв спортсмен-  
туран Шайхмурадлул пиш-каш  
бувни **«Лакрал аьлимтурал зи-  
яратру»** тIисса лу. «Спортраву  
хьхьичIуннайшивуртту хьун дан  
ччай бурув - исламрал бюхттул-  
сса культура лахьлахьияра», -  
маслихIат бувни ванал.

Спортсментурал буллунни  
цала чулуха райондалийсса оьр-  
чIан 3 боксертурал чантай, чIа-  
тIарак ва ритутт ва м.ц.затру.

Хьунабакьаврил ахирданий  
спортсметурал риршунни оьрчI-  
ашал цачIу бавцIусса суратру  
лицейрал хьовсса дьявилий ливт-  
Iуминнан дурсса гьайкалданучIа.

**К.Кьурьанов.**

